



Тошкент Оқшомми

Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСİY КУНДАЛИК ГАЗЕТАСИ

№ 41 (11.602)

Баҳоси эркин нарҳда

Ўзбекистон Республикаси Президентининг ФАРМОНИ

Б.Ю.ХОДИЕВНИ ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС ТАЪЛИМ ВАЗИРИ ЛАВОЗИМИГА ТАСДИҚЛАШ ТЎҒРИСИДА

Баходир Юнусович Ходиев Ўзбекистон Республикаси Олий ва ўрта махсус таълим вазири лавозимига тасдиқлансин.

Ўзбекистон Республикаси Президенти И.КАРИМОВ

Тошкент шаҳри, 2010 йил 1 март

Ўзбекистон Республикаси Президентининг ФАРМОНИ

Ж.Г.ИСМОИЛОВНИ ЎЗБЕКИСТОН РЕСПУБЛИКАСИ МОНОПОЛИЯДАН ЧИҚАРИШ ВА РАҚОБАТНИ РИВОЖЛАНТИРИШ ДАВЛАТ ҚЎМИТАСИ РАИСИ ЛАВОЗИМИГА ТАСДИҚЛАШ ТЎҒРИСИДА

Жаҳонгир Гафурович Исмоилов Ўзбекистон Республикаси Монополиядан чиқариш ва рақобатни ривожлантириш давлат қўмитаси раиси лавозимига тасдиқлансин.

Ўзбекистон Республикаси Президенти И.КАРИМОВ

Тошкент шаҳри, 2010 йил 1 март

Ўзбекистон Республикаси Президентининг ФАРМОНИ

А.А.АБДУҲАКИМОВНИ ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ ДАВЛАТ ҚЎМИТАСИ РАИСИ ВАЗИФАСИНИ БАЖАРУВЧИ ЛАВОЗИМИГА ТАСДИҚЛАШ ТЎҒРИСИДА

Азиз Абдуҳақорович Абдуҳақимов Ўзбекистон Республикаси Давлат мулкани бошқариш давлат қўмитаси раиси вазифасини бажарувчи лавозимига тасдиқлансин, шу муносабат билан Ўзбекистон Республикаси Давлат мулкани бошқариш давлат қўмитаси раисининг биринчи ўринбосари лавозимидан озод этилсин.

Ўзбекистон Республикаси Президенти И.КАРИМОВ

Тошкент шаҳри, 2010 йил 1 март

Япониянинг мамлакатимиздаги Фавқулодда ва мухтор элчиси Цутому Хираока 1 март куни Ўзбекистон Республикаси Бош вазирининг ўринбосари А.Орипов билан учрашди.

ХУЖЖАТ ИМЗОЛАНДИ

Мулоқот чоғида Ўзбекистон билан Япония ўртасидаги ўзаро ҳамкорлик алоқалари барча жабҳаларда, жумладан, маданият соҳасида ҳам изчил ривожланиб бораётгани, бунда икки давлат раҳбарларининг учрашувида эришилган келишувлар муҳим ҳуқуқий асос бўлиб хизмат қилаётгани алоҳида таъкидланди.

Япония мамлакатимизда амалга оширилаётган кенг кўламли ислохотларни изчил қўллаб-қувватлаб келаётир. Мамлакатларимиз ўртасида маданият соҳасида ҳам яқин ҳамкорлик ўрнатилган. Хусусан, Ўзбекистон-Япония археологик экспедицияси Сурхондарё вилоятининг Қоратөпа, Кампиртепа ва Далварзиптепа ҳудудларини тадқиқ қилиш бўйича катта муваффақиятларга эришмоқда.

(Давоми 2-бетда).

ҚИСҚА САТРЛАРДА

Тошкент шаҳар ҳокимлигининг Аxbорот хизмати ва ўз мухбирларининг хабарларидан.

✓ **ТОШКЕНТ** Давлат юридик институтида ўқитувчилар, ҳуқуқшунослар, талабалар иштирокида ўтказилган илмий-амалий анжуман «Халқаро миқёсда хусусий мулкнинг долзарб муаммолари» деб номланди.

ПОЙТАХТНИНГ БИР КУНИ



Инновацион гоялар, технологиялар ва лойиҳалар ярмаркаси

ИЗЛАНИШЛАРНИНГ ЁРҚИН НАМОЙИШИ

Кеча «Ўзэкспомарказ» мажмуасида III республика инновацион гоялар, технологиялар ва лойиҳалар ярмаркаси иш бошлади.

Маълумки, 2008 йил 15 июлда Президентимизнинг «Инновацион лойиҳалар ва технологияларни ишлаб чиқаришга татбиқ этишни рағбатлантириш борасидаги қўшимча чора-тадбирлар тўғрисида»ги Қарори қабул қилиниб, унга мувофиқ анъанавий тарзда ўтказилаётган мазкур ярмарка фан ва ишлаб чиқариш ўртасидаги ҳамкорликни янада ривожлантиришда муҳим аҳамият

касб этмоқда. Ярмарка илмий-тадқиқот натижаларининг жорий этилишини рағбатлантириш, фан ва ишлаб чиқариш интеграциясини таъминлашнинг асосий механизмларидан бири бўлиб қолди. Корхоналар ҳамда илмий-тадқиқот ташкилотлари ўртасида мустақкам кооперацион алоқаларнинг ўрнатилишини таъминловчи ушбу тадбир ташкилотчилари Ўзбеки-

стон Республикаси Вазирлар Маҳкамаси ҳузуридаги Фан ва технологияларни ривожлантиришни мувофиқлаштириш қўмитаси, Иқтисодиёт ҳамда Ташқи иқтисодий алоқалар ва савдо вазирликлари ҳисобланиб, унинг мамлакатимизда инновация фаолиятини янада кенгайтиришда, иқтисодиётимизни юксалтиришдаги аҳамияти бекиёсдир.

(Давоми 2-бетда).

АҲОЛИ БАНДЛИГИ ОШМОҚДА

2010 йилда пойтахтимизда 80 мингдан ортиқ янги иш ўрни яратиш кўзда тутилган. Президентимиз Ислон Каримов раҳнамолигида аҳолини иш билан таъминлаш, янги иш ўринлари ташкил этиш, халқимизнинг даромадини мутасил ошириб бориш масалаларига алоҳида эътибор қаратилмоқда. Пойтахтимизда бу борада муайян ишлар амалга оширилаётир. Тошкент шаҳар меҳнат ва аҳолини ижтимоий муҳофаза қилиш бош бошқармаси бошлигининг биринчи ўринбосари Бахтиёр Мирхоннинг айтишича, ўтган йили янги корхоналарни ишга тушириш, мавжудларни модернизация қилиш ва кенгайтириш ҳамда тадбиркорлик, кичик бизнесни ривожлантириш ҳисобига минглаб янги иш ўринлари яратилган. Ўтказилаётган бўш иш ўринлари ярмаркалари талабгорларнинг ўзига муносиб иш топши, зарур маслаҳат ва маълумотга эга бўлишида муҳим аҳамият касб этмоқда. 2009 йили Тошкент шаҳри туманларида ташкил этилган ана шундай 55 бўш иш ўринлари ярмаркаларида иштирок этган фуқароларнинг 36 мингга

яқини ишга жойлашди. Тошкент шаҳар ҳокимлиги ва тегишли корхона ва ташкилотлар томонидан қабул қилинган режага асосан 2010 йилда пойтахтимизда 80 мингдан ортиқ янги иш ўрни яратиш режалаштирилган. Аҳоли бандлигини ошириш ишлари самарасида жорий йилнинг январь ойида пойтахтимизда 5600 дан ортиқ янги иш ўрни яратилди. Шундан тўрт мингга яқини кичик бизнес ва хусусий тадбиркорлик ҳамда уй меҳнатининг барча шакллари ривожлантириш ҳисобига ташкил этилди. Учтепа туманида яшовчи Баҳром Камолов ҳам яқинда ишли бўлди. — Уйимга яқин жойда очилган «Бонанза Тошкент» масъулияти чекланган жамиятида ҳисобчи вазифасида иш бошладим, — дейди Баҳром. — Доимий даромад манбаига эга бўлганимдан мамнунман. Шаҳарда ёшларни касбга тайёрлаш ва қайта ўқитишга ҳам алоҳида эътибор қаратилмоқда.

(Давоми 2-бетда).

МАМЛАКАТИМИЗДА

• Бирлашган Миллатлар Ташкилотининг Тошкентдаги ваколатхонасида Ўзбекистоннинг БМТга аъзо бўлганлигининг 18 йиллигига бағишланган медиа-брифинг бўлиб ўтди. Тадбирда БМТнинг мамлакатимиздаги фаолияти тўғрисида журналистларга батафсил маълумотлар берилди.

• Фарғона шаҳрига туташ Ермозор қишлоғида «Гред Силк сервис» масъулияти чекланган жамияти бош пудратчилигида «Сандвич» русумида қурилатган 40 та коттеж уйларнинг битишига оз вақт қолди. Уйларнинг ҳар бири олти сотихдан бўлиб барча қулайликларга эга. Ушбу шинам уйлар Наврўз байрами арафасида эгаларига топширилади.

• Тошкент врачлар малакасини ошириш институтида Ўзбекистон Халқ демократик партиясининг Қонунчилик палатасидаги фракцияси томонидан давра суҳбати ўтказилди. Мамлакатимизнинг турли минтақаларидан келиб, институтда малака ошираётган тиббиёт тизими ходимлари билан депутатларнинг мулоқоти амалий руҳда ўтди.

• Шўртан газ-кимё мажмуасидаги «Термопласт» заводидан томчилаб сугориш тизимига татбиқ этиш учун пластмасса мосламаларини ишлаб чиқариш йўлга қўйилди. Хитойлик тадбиркорлар билан мазкур технологиялардан фойдаланиш юзасидан ҳамкорлик бўйича шартнома тузилди. Шунингдек, сугоришни янги усули билан қўллаб фермер хўжаликларнинг раҳбарлари ҳам қизиқмоқдалар. Жорий йилда 500 гектар ер майдонларида томчилаб сугориш усулига ўтиш кўзда тутилмоқда.

• Ўзбекистон Республикаси Ташқи ишлар вазирлигининг дипломатик ваколатхоналарда хизмат кўрсатиш бошқармаси ташаббуси билан вазирликнинг Қабуллар уйида мамлакатимизда аккредитациядан ўтган дипломатик ваколатхоналар ва халқаро ташкилотлар вакиллари ўртасида анъанавий VI шахмат турнири бўлиб ўтди.

• Самарқанд шаҳридаги «Сиб чашмаси» агроаноат фирмаси қошида баҳмал ишлаб чиқаришга ихтисослашган «Тойлок баҳмали» шўъба корхонаси очилди. Ҳозирда корхона цехларида бир кечакундузда 300-400 метр баҳмал ишлаб чиқарилмоқда. Корхонанинг фаолият бошлаши билан қишлоқ ёшларидан 80 нафардан ортиги ишли бўлди.

ЖАҲОНДА

• Лотин Америкаси ва Қариб ҳавзаси мамлакатлари давлат ва ҳукумат бошқаруларининг Мексикада бўлиб ўтган навбатдаги саммитида иштирокчилар Фолкленд (Мальвин) ороллари бошқарувидаги Аргентинага қайтарилишини яқдил қўллаб-қувватлади. Эндиликда Аргентина ва Буюк Британия ўртасида қуролли тўқнашувлар келиб чиқмайди. Чунки саммитда икки томон ҳам бу борада ўз зиммаларига мажбуриятлар олди.

• АҚШ Чилидаги кучли zilзила оқибатларига барҳам беришга қўмақлашиш учун ўз ресурсларини тўпламоқда.

• Кеча zilзилдан жабрланган ҳудудларга инсонпарварлик ёрдамидан оқиб кетайтган самолётнинг Чилида ҳалокатга учраши натижасида олти киши ҳаётдан кўз юмди.

• Кеча Россиянинг «Протон-М» элтувчи ракетага «Глонасс-М» русумли учта аппаратни коинотга олиб чиқди.

• Афғонистоннинг Қандаҳор шаҳрида автомобилга ўрнатилган портловчи қурилманинг ҳаракатга келтирилиши фожиага сабаб бўлди. Ушбу кўпуровчилик натижасида уч киши ҳаётдан кўз юмди. Тахминларга кўра, мазкур теракт «Толибон» кучлари томонидан амалга оширилган бўлиши мумкин.

• Кеча Нигерияда Жанубий Африка Республикасидан келган тележурналист ўғирланди.

• Кеча Танзанияда ҳаракатланаётган халқаро автобуснинг тўнтарилиб кетиши натижасида олти киши ҳалок бўлди.

• Европанинг ғарбий ҳудудларига ҳуруж қилган «Ксинтия» довули Франция ва Испанияда катта талафотларни келтириб чиқарган ҳолда ҳозирда Германия, Бельгия ҳамда Нидерландия мамлакатлари томон ҳаракатланмоқда.

• АҚШда ўтказилган ким ошди савдоларида Супермен ҳақидаги биринчи комикслар китобининг ноёб нусхаси 1 миллион долларга сотилди. Таъкидлаш жоизки, ушбу китоб 1938 йили чоп этилган бўлиб, ўша вақтда унинг нархи атиги 10 цент бўлган.

